



Sabtu, 14 Mei 2022

Ogen: Esekiel 37:15-28



Dua Kerajan Jadi Sada



La terjeng pegeluh mulihi (renungen wari sinderbinai) Tapi Dibata terus erdahin mpersada kerajaan si sirang ndube. Kerajaan Juda ras kerajaan Israel. Duana e iandingeken bagi ciken. Sada ciken singgambarkan kerajaan Juda, sada nari ciken singgambarkan Israel. Ipersada ujungna seh maka tempa-tempa ia jadi sada ciken. Bage me perbahanen Dibata mepulung dengen mpersada mulihken bangsaNa si sirang ndube. Kai-kai saja ilakoken Dibata? Maba mulih ku negri si ipadankenNa ndube; mulahi i bas perbahanen-perbahanen dosa dengen ibersihkenNa. Kerina silakokenNa e erbahanca bangsaNa e nggeluh alu tutus ngikutken undang-undang, ersada iteruh pemerentahen sekalak raja. La terjeng si e Dibata pe erbahan perpadanen segelah jadi sada jaminen kerna keamanan bangsa e. Ipasu-pasu: ertambah-tambah teremna; rumah Pertoton ipajeken i bas taneh si ibreken Dibata. Janah i je me Dibata ringan. Enda kerina gambaren pasu-pasu siibreken Dibata man bangsana. Kai siniarapken ndube isehken Dibata kap man bangsaNa. Selaku nande tengah jabu, persinget enda nambahi semangat man banta maka Dibata e mpersada kegeluhen si sedekah enda sirang. Adi siukuri bas kegeluhenta sedekah enda, ras ise saja sigejapken enggo ndekah sirang pedauh-dauh, padahal adi siuri alu manjar-anjar situhuna sada tangke denga kita (lit denga hubungan dareh). Padan Dibata enda pe jadi pengjuk man banta, maka kita pe ersada mulihken jadi sada tangke iteruh kuasa Dibata si mbelin. Kegeluhen ersada enda maba pasu-pasu kel man banta. Bagi Dibata masu-masu bangsaNa bage kel me kita pe ipasu-pasuNa alu simpar e me: kita banci nenganami ulih pemere Dibata e, ngeluh bas kemalemen ate, lit hubungan si mehuli ras Dibata sabap IA kap ulu pasu-pasu e. Sidebanna bagi Dibata mepersadaken kerajaan si pecah ndube, kita pe bas kegeluhenta enda arus mpersadaken hubungan si retak entah sirang.